

Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut Inatsisaat

Kapitali 1

Inatsisip atuutsinneqarfia

§ 1. Tarnimikkut napparsimasut napparsimmavimmut unitsinneqarnerannut, napparsimmavimmi uninnganerannut aamma katsorsarneqarnerannut atatillugu nammineersinnaajunnaarsitsineq allatigullu pinngitsaaliisummik iliuuseqartarneq taamaallaat Dronning Ingridip Napparsimmavissuata tarnikkut nappaatilinnut immikkoortorta qarfianni pisinnaavoq, taamaattorli tak. imm. 2, 3 aamma 4 kiisalu Inatsisartut inatsisaanni matumani maleruaqqusat naapertorlugit imaluunniit maleruaqqusat tamatuminnga tunngaveqarluni akuersissutigineqarsimasut tunngavigalugit taamaallaat pisinnaapput.

Imm. 2. Pinngitsaaliisummik napparsimmavimmut unitsitsineq, imm. 1 apeqquaatinnagu, peqqinnissaqarfiup suliffeqarfiini allani aallartinneqarsinnaavoq. Dronning Ingridip Napparsimmavissuani tarnikkut nappaatilinnut immikkoortorta qarfianni nakorsaanerup nakorsaq aggersarneqarsimasoq isumasioqatigalugu aalajangiivigissavaa, paasissutissat pigineqartut tunngavigalugit aamma nakorsap aggersarneqarsimasup misissuisimanera tunngavigalugu pinngitsaaliisummik unitsitsinissaq ilumut pisariaqarnersoq. Dronning Ingridip Napparsimmavissuani tarnikkut nappaatilinnut immikkoortorta qarfiannut nuussineq nalunaaquttap akunnerisa 48-t ingerlanerini pissaaq, tassa pinngitsaaliisummik unitsitsinerup aallartinneqarnerata kingornatigut, imaanngippat nalinginnaasumik angallannermi pissutsit pissutigalugit tamanna pinngitsoortinneqarluni. Pinngitsaaliisummik iliuuseqarnerit kapitali 6-imi taaneqartut pinngitsaaliisummik unitsitsinerup aallartitsinneqarnerani atorineqarsinnaapput.

Imm. 3. Timikkut anniaatigisamik pinngitsaaliisummik nakorsaanissaq pisariaqarpat timikkut napparsimasunut immikkoortorta qarfianni tamanna ingerlanneqarsinnaavoq, tak. § 15.

Imm. 4. Napparsimasoq tarnikkut nappaatilinnut immikkoortorta qarfiannut unitsinneqarsimasoq, Kalaallit Nunaata avataani tarnimikkut napparsimasunut immikkoortorta qarfiannut matoqqasumut nuutsinneqarsinnaavoq imaappat napparsimasoq avatangiisiminut ima ulorianartigisutut isigineqarluni, napparsimasup Dronning Ingridip Napparsimmavissuani tarnikkut nappaatilinnut immikkoortorta qarfianni uninngatinneqarnissaa illersorneqarsinnaanngitsutut isigineqarluni. Nuussineq pinngitsaaliisummik uninngatitsinermi

maleruaqqusat naapertorlugit ingerlanneqassaaq, imaappat napparsimasup nuutsinneqarnissamut ilisimatinneqareerluni akuersissuteqarsimanani.

§ 2. Inatsisartut inatsisaanni matumani pinngitsaaliisummik iliuuseqarneq tassaavoq paasisutissinneqareernikkut isumaqataalluni akuersissuteqartoqanngitsoq, tak. napparsimasut inatsisitigut inissisimanerat pillugu Inatsisartut peqqussutaanni kap. 2.

Imm. 2. Napparsimasunut 15-it inorlugit ukiulinnut imaluunniit paasitinneqareerluni isumaqataalluni akuersinissamut piginnaaneqanngitsunut tunngatillugu angajoqqaatut akisussaasumit, angajoqqaatut akisusaatitaasumit imaluunniit qanigisaanit qaninnerpaamit akuersissut pissarsiariniarneqassanngilaq inatsisartut inatsisaat manna naapertorlugu aaqqiissutip ingerlaannartumik naammassinissaa pisariaqassappat napparsimasup ima iliornissaa pitsaaliorniarlugu:

1) imminut ajoqusersinnaanera imaluunniit allanik timaasigut imaluunniit peqqissusiisigut ajoqusiisinnaanera ilimanarluinnarpat, imaluunniit

2) annikigisassaanngitsumik aserorterinissaa.

Imm. 3. Periuseqarnissamut iliuuseqarnerit atorneqartillugit, tak. imm. 2, angajoqqaatut akisussaaffimik pigisaqartoq, angajoqqaatut akisusaatitaasooq imaluunniit qanigisaasooq qaninnerpaaq tamatuma kingornatigut tamanna pillugu sapinngisamik piaarnerpaamik ilisimatinneqassaaq.

Imm. 4. Napparsimasunut ukiukitsunut 15-inik ukioqalereersimasunut tunngatillugu peqqinnissaqarfimmi sulisup inummik pineqartumik naliliinermi kingornatigut nalileruniuk pineqartup isummernermi kingunerisassai paasisinnaanngikkai, tak. napparsimasut inatsisitigut inissisimanerat pillugu Inatsisartut peqqussutaanni § 8 imm. 2, taava imm. 2 aamma imm. 3 taamatut atuutissapput.

Kapitali 2

Aalajangersakkat nalinginnaasut

§ 3. Peqqinnissaqarfiup immikkoortorta qarfiisa arlaannut unitsitsineq, uninnganeq aamma nakorsarneqarneq sapinngisamik napparsimasup nammineq piumassusia naapertorlugu ingerlanneqassapput.

Imm. 2. Nakorsap, napparsimasooq napparsimavimmut unitsitsinerup, napparsimmavimmiititsinerup aamma nakorsartinnerup siunertaanik kiisalu peqqissutsip pitsaanerulernissaata qanoq inneranik, ilitersussavaa.

Imm. 3. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup immikkoortorta qarfimmu unitsinneqartunut tamanut nakorsartinnissaaq pillugu pilersaarusiamik suliaqartoqarnissaa, kiisalu napparsimasup peqataatinneqarnissaa aamma pilersaarutip imarisaa pillugu tusaaniarneqarnissaa akisussaassuseqarfigai, aammattaaq napparsimasup taassuma piviusunngortinneqarnissaanut akuersissuteqarnissaata pissarsiarinneqarnissaata anguniartuarnissaa.

Imm. 4. Nakorsarneqarnissamut pilersaarut ingerlaavartumik naleqqussarneqartassaaq, aamma qanorluunniit ilisukkut nakorsartinnerit suut aallartinneqarnerannik aammattaaq anguniakkat suut anguniarneqarnersut nakorsartinnerit maannakkut ingerlanneqartut aqutigalugit ersersinneqassallutik.

Imm. 5. Nakorsarneqarnissamut pilersaarutip assilineru napparsimasumut tunniunneqassaaq, imaanngipat pineqartup tamanna piumanagu.

§ 4. Nammineersinnaajunnaarsitsineq aallartinneqartinnagu imaluunniit pinngitsaaliisummik allamik atuilersinnani, taava napparsimasooq pinngitsaaliisummik iliuuseqarnissaaq pilersaarutigineqartoq pillugu, taassuma sukumiinerusumik suuneranik, tunngavigineqartumik aamma siunertaanik ilisimatinneqassaaq, taamaattorli tak. imm. 2.

Imm. 2. Taamaattorli, pinngitsaaliisummik sukaterussinerup aamma nukiit atorlugit pissaanermik atui-
nerup atorneqarnerini, tak. §§ 21-25, immikkut pilertortumik iliuuseqartoqartariaqartillugu ilisimatitseq-
qaarnissaaq pinngitsoorneqarsinnaavoq. Iliuuseqarnerup aallartinneqarneranut tunngavilersuutigineqar-
toq tamatuma kingornatigut napparsimasumut ilisimatitsissutigineqassaaq.

§ 5. Napparsimasup nammineq kajumissutsiminik peqataanissaa anguniarlugu sapinngisamik iliuuseqar-
toqareertinnagu pinngitsaaliisummik iliuuseqarneq atorneqassanngilaq. Pissutsit tunngavigalugit taman-
na ajornanngippat napparsimasooq piffissamik naleqquttumik sivilissuseqartumik eqqarsarfissaqartinne-
qassaaq.

Imm. 2. Pinngitsaaliisummik atuneq taamak iliuuseqarnikkut anguniarneqartumut naammaginnartumik
naleqqutissaaq. Qanoq iliuuseqarnerit annikinnerusumik sunniuteqartut naammappata taava taakku ator-
neqassapput.

Imm. 3. Pinngitsaaliisummik iliuuseqarneq sapinngisamik qajassuurtumik ingerlanneqassaaq aamma sa-
pinngisamik annertunerpaamik napparsimasumik qajassuussilluni, taamaaliornikkut kanngunarsaasinnaa-
nerit imaluunniit pisariaqanngitsumik ajoqusiisinaanerit pinngitsoorniarlugit.

§ 6. Aalajangersakkat ukunaniittut § 1, imm. 2, § 10, imm. 2, § 11, § 12, imm. 1, § 13, imm. 1 § 14, imm. 2, §
15, imm. 2, § 22, imm. 2 aamma 3, § 30, § 32, imm. 1 aamma 3 aammattaaq § 34, imm. 2-miittut akornutaas-
sanngillat nakorsaanerup peqannginnerani tarnimikkut napparsimasunut immikkoortortaqaarfimmi nakor-
sap allap aalajangiinissaanut. Taamatut pisoqartillugu nakorsaanerup piaarnerpaamik kingusinnerpaamillu
nalunaaquttap akunneri 24-t qaangiuppata aalajangiineq isummerfigissavaa.

Imm. 2. Nakorsaanerup qanoq isummersimanera pinngitsaaliisummik iliuuseqarnerit pillugit allattaavim-
mut allanneqassaaq.

Kapitali 3

Nammieersinnaajunnaarsitsineq

Ataatsimut isigalugu

§ 7. Pinngitsaaliisummik napparsimavimmut unitsitsineq, tak. § 8-10, imaluunniit pinngitsaaliisummik u-
ninngatitsitsineq, tak. § 11 taamaallaat pisinnaapput napparsimasooq pineqartoq silanngajaarpat imaluun-
niit tamatumunnga sanilliunneqarsinnaasumik pissuseqarpat, kiisalu pineqartup nakorsarneqarnissaa siu-
nertaralugu nammineersinnaajunnaarsinneqannginnissaa illersorneqarsinnaanngippat, makku pissutigalu-
git:

1) qanoq issusiata ajorunnaarsinneqarnissaata ilimanassusia imaluunniit malunnaateqartumik aamma pi-
ngaaruteqartumik taamak iliortoqanngippat peqqissiarthonera malunnartumik ajornerulissammat, imaluun-
niit

2) pineqartup imminut navianartorsiortissinnaanera imaluunniit allanik navianartorsiortitsisinnaanera qanittutut aamma malunnartutut kinguneqarsinnaasutut isigineqarpat.

Napparsimmavimmut pinngitsaaliisummik unitsitsineq

§ 8. Inuk silanngajaartutut isigineqarsinnaasoq nammineq nakorsarneqarnissaminik pisariaqartumik ujar-tuinngippat, qanigisaasut nakorsamik aggersaanissaq siunertaralugu peqqinnissaqarfimmut attaviginnis-sallutik pisussaapput.

Imm. 2. Qanigisaasut peqqinnissaqarfik attaviginngippassuk, tak. imm. 1, politiit taamaaliornissaq pisus-saaffigivaat.

Imm. 3. Nakorsap aggersarneqartup misissuineq paasissutissallu pissarsiarineqartut tunngavigalugit tar-nimikkut napparsimasunut immikkoortortaqarfimmut unitsitsinissaq pisariaqarnerseqqanilissavaa. Nap-parsimasup paasissutissinneqareernikkut isumaqataalluni taamatut unitsinneqarnissani akuerinngippagu nakorsap napparsimmavimmut pinngitsaaliisummik unitsitsineq pisariaqarnerseqqanilissavaa.

Imm. 4. Napparsimmavimmut pinngitsaaliisummik unitsitsineq pissaaq § 7-imi piumasaqaataasut eqqor-tinneqarpat. Nakorsaq tamanna pillugu uppersaammik allagaqassaaq, tak. 9, imm. 2.

§ 9. Napparsimmavimmut pinngitsaaliisummik unitsitsinissap aallartinneqarnissaa pillugu politiit aalaja-ngersaassapput taamaaliortoqarneranilu ikiuullutik.

Imm. 2. Napparsimmavimmut pinngitsaaliisummik unitsitsineq taamaallaat naammassineqarsinnaavoq na-korsamit uppersaamat tunngavigalugu, napparsimmavimmut unitsitsinissaq taannarpiaq naammassiniarlugu nakorsap nammineq misissuisimanera tunngavigineqassaaq. Dronning Ingridip Napparsimmavissuani tarnikkut nappaatilinnut immikkoortortaqarfianni, napparsimmavimmut pinngitsaaliisummik unitsitsiviu-sussami, nakorsamit sulisumit uppersaamat allanneqarsimassanngilaq. Taamatuttaaq uppersaamat nakor-samit attuumassuteqarpallaarneq pissutigalugu suliami peqataasinnaannngitsumit allanneqarsimassanngi-laq. Tamatuma saniatigut uppersaamat nakorsamit attuumassuteqarpallaarneq pissutigalugu suliami pe-qataasinnaannngitsumit allanneqarsimasuussanngilaq. Pisortat ingerlatsineranni suliasat suliarineqartar-nerat pillugu inatsimmi § 3-mi taaneqartutut suliami peqataasinnaannnginneq atuuppoq.

Imm. 3. Napparsimmavimmut pinngitsaaliisummik § 7, imm. 2, naapertorlugu unitsitsineri nakorsap mi-sissuineri ulloq unnuallu kingulliup ingerlanerani pisimassaaq, kiisalu napparsimmavimmut pinngitsaaliis-ummik § 7, nr. 1, naapertorlugu unitsitsineri, unitsitsineq sioqqullugu ullut kingulliit arfineq marluk i-ngerlanerani pisimassalluni.

§ 10. Napparsimmavimmut pinngitsaaliisummik § 7, nr. 2 naapertorlugu unitsitsineri napparsimasooq peq-qinnissaqarfimmit ingerlaannartumik isumagineqalissaaq. Napparsimmavimmut pinngitsaaliisummik § 7, nr. 1 naapertorlugu unitsitsineri napparsimasooq sapinngisamik piaarnerpaamik peqqinnissaqarfimmit isu-magineqalissaaq, tassa kingusinnerpaamik piffissarititaasut ullut arfineq marluk, § 9, imm. 3-mi taaneqar-tut, qaangiutinnginnerini.

Imm. 2. Dronning Ingridip Napparsimmavissuata tarnikkut nappaatilinnut immikkoortortaqarfianni na-korsaanerup napparsimmavimmut pinngitsaaliisummik unitsitsineri piumasaqaatit eqqortinneqarner-sut aalangiiffigissavaa.

Imm. 3. Naalakkersuisut napparsimavimmut pinngitsaaliisummik unitsitsisarnerit naammassiniarlugit periaatsit qanoq ingerlanneqartarnissaannut maleruqaqusanik sukumiinerusunik aalajangersaassapput. Maleruqaqusat politiit peqataasarnerannut tunngasut pillugit Danmarkimi Justitsiministeriap akuersissuteqarneratigut aalajangersarneqassapput.

Napparsimavimmit pinngitsaaliisummik uninngatitsineq

§ 11. Inummik, Dronning Ingridip Napparsimavissuani tarnikkut nappaatilinnut immikkoortoortoqarfianni uninngatinneqartumik pinngitsaaliisummik uninngatitsinissaq pisinnaavoq, nakorsaanerup § 7-imi piumasaqaataasut eqqortinneqarsimasutut nalililerpagit.

Imm. 2. Napparsimasumit Dronning Ingridip Napparsimavissuata tarnikkut nappaatilinnut immikkoortortaqarfianni uninngasumit angerlartinneqarnissamik noqqaassut saqqummiunneqarpat nakorsaanerup sapinngisamik piaarnerpaamik noqqaassutillu saqqummiunneranit naatsorsorlugu kingusinnerpaamik nalunaaquttap akunneri 24-t qaangiutsinnagit napparsimasoq angerlartinneqarsinnaanersoq imaluunniit pinngitsaaliisummik uninngatinneqassanersoq nalunaarfigissavaa. Pinngitsaaliisummik unitsitsisoqarneranit imaluunniit § 1, imm. 2 naapertorlugu unitsitsinerup aallartinneranit naatsorsorlugu ullup unnuallu ataatsip ingerlanerani Dronning Ingridip Napparsimavissuata tarnikkut nappaatilinnut immikkoortorta-qarfiannit angerlartinneqarnissamik noqqaassut saqqummiunneqarpat nakorsaanerup aalajangiinera pinngitsaaliisummik unitsitsinermit naatsorsorlugu nalunaaquttap akunnerisa 48-t ingerlanerini napparsimasumut tamanna nalunaarutigineqassaaq. Noqqaassut napparsimasumut siunnersortimit saqqummiunneqarsimappat, tak. kapitali 8 aamma 9, taava aamma taanna nalunaarfigineqassaaq.

Oqqussineq

§ 12. Pinngitsaaliisummik napparsimavimmut unitsinneqarsimasup imaluunniit pinngitsaaliisummik uninngatinneqarallartup Dronning Ingridip Napparsimavissuata tarnikkut nappaatilinnut immikkoortorta-qarfia imaluunniit § 1, imm. 2 naapertorlugu pinngitsaaliisummik unitsitsinermit peqqinnissaqarfiup immikkoortorta-qarfia alla qimassimappagu pineqartorlu nammeneq kajumissutsiminik utersimanngippat Dronning Ingridip Napparsimavissuata tarnikkut nappaatilinnut immikkoortorta-qarfianni nakorsaaneq pineqartup immikkoortorta-qarfimmut politiit ikiortigalugit oqqunneqarnissaanik aalajangiisinnaavoq. Taamatut oqqussineq taamaallaat pisinnaavoq takkutinngitsoornerup paasineqarneranit sapaatit akunnerata ataatsip qaangiunnera tikillugu. Pineqartoq aninermit kingornatigut takkutinngitsoorsimappat taamatut-taaq oqqussinissamut piumasaqaataavoq ullut unnuallu pingasut sinnerlugit anisimasinnaanermik akuersissuteqartoqarsimannginnera.

Imm. 2. Naalakkersuisut oqqussinermit atatillugu qanoq periaaseqartoqarnissanik sukumiinerusunik maleruqaqusanik aalajangersaasinnaapput, tassa politiit peqataatinneqarnerannut atatillugu Danmarkimi Justitsiministeriaqarfiup akuersissuteqarnerata kingornatigut.

Nammineersinnaajunnaarsitaanerup atorunnaarsinneqarnera

§ 13. Nakorsaanerup § 7-imi piumasaqaataasut atuukkunnaarsimasut paasiguniuk taava nammineersinnaajunnaarsitsineq ingerlaannartumik unitsinneqassaaq.

Imm. 2. Nammineersinnaajunnaarsitsineq atuukkunnaarpat taava tamanna pillugu napparsimasooq napparsimasumullu siunnersorti ingerlaannaq nalunaarfigineqassapput.

Kapitali 4

Pinngitsaaliisummik nakorsaasoqartarnera

§ 14. Pinngitsaaliisummik nakorsaasoqartarnera taamaallaat inunnut napparsimavimmi pinngitsaaliisummik uninngatitsineqarnissamut piumasaqaatinik naammassinnissimasunut, tak. § 11, atorneqarsinnaavoq.

Imm. 2. Pinngitsaaliisummik nakorsaasoqassanersoq Dronning Ingridip Napparsimavissuata tarnikkut nappaatilinnut immikkoortortaqaarfianni nakorsaanerup aalajangiiffigissavaa. Tamatumunnga ilutigitillugu nakorsartinnerup naammassineqarnissaanut pisariaqartitsineq naapertorlugu qanoq annertutigisumik nu-kiit atorlugit pissaanermik atuisoqassanersoq nakorsaanerup aalajangersaavigisinnaavaa.

Imm. 3. Pinngitsaaliisummik nakorsarneqarnerit taamaallaat Dronning Ingridip Napparsimavissuani tarnikkut nappaatilinnut immikkoortortaqaarfianni aallartinneqarsinnaapput aamma ingerlanneqarsinnaapput, tak. § 1, imm. 1.

Imm. 4. Pinngitsaaliisummik nakorsaatitortitsinermi nakorsaatit misilittarneqareersimasut nalinginnaasumik annertussilerlugit aamma sapinngisamik ikinnerpaanik peruluutaasunik saniatigut sunniuteqartartut atorneqassapput.

Imm. 5. Pinngitsaaliisummik innaallagialu atorlugu sianiutinik sunniineq taamaallaat aallartinneqassaaq, napparsimasup piumasaqaatit imm. 1-imiittut naammassisimappagit, kiisalu piffissami tassanerpiaq inuunera navianartorsiorluni imaluunniit navianartorsiorsinnaalluni inisisimappat.

Imm. 6. Pinngitsaaliisummik nakorsaasoqarnissaanik nakorsaanerup imm. 2 naapertorlugu aalajangiinissaa sioqqullugu napparsimasooq eqqarsarfissaqartinneqassaaq, tassani eqqarsaatigissallugu napparsimasup nammineq nakorsarneqarnissamut akuersissuteqarnissani kissaatiginerlugu. Piffissaq eqqarsarfissaqartitsiviusooq naammaginartumik sivilissuseqassaaq, taamaattorli sivilunerpaamik ulluni pingasuni.

Imm. 7. Aalajangersagaq manna naapertorlugu pinngitsaaliisummik nakorsaasoqarnissaa pillugu Naalakkersuisut sukumiinerusunik maleruaqqusaliussapput.

§ 15. Inuk nammineersinnaajunnaarsinneqarnissamut piumasaqaatinik naammassinnittoq, tak. § 7, ilisimatinneqareersimanerlu tunngavigalugu timimigut anniaatigisami nakorsarneqarnissaanut akuersissuteqanngitsoq, anniaatigisaa taanna pinngitsaaliisummik nakorsarneqartussanngortinneqarsinnaavoq i-maappat anniaatigisaata napparsimasup inuunera imaluunniit peqqissusia malunnaateqarluartumik navianartorsiorlillugu. Napparsimasooq Dronning Ingridip Napparsimavissuani tarnikkut nappaatilinnut immikkoortortaqaarfianni uninngasuutigineqariinngippat, aammattaaq pinngitsaaliisummik nakorsarneqarnissaanut aalajangersagaq taanna naapertorlugu piumasaqaataavoq, tamanna sioqqullugu pinngitsaaliisummik napparsimavimmut unitsinneqarnissaa pillugu uppersarsaammik suliaqartoqarsimanera, tak. § 9, imm. 2, kiisalu Dronning Ingridip Napparsimavissuani tarnikkut nappaatilinnut immikkoortortaqaarfianni nakorsaanerup pinngitsaaliisummik napparsimavimmut unitsitsisoqarnissaanut piumasaqaatit naammassineqarsimanerat pillugu aalajangersaasimassasoq, tak. § 10, imm. 2.

Imm. 2. Pinngitsaaliisummik nakorsartinneqarnissamut, imm. 1-imi taaneqartoq pillugu aalajangiineq, timikkut nappaatinut immikkoortortaqaarfimmi pineqartumi nakorsaanermit, Dronning Ingridip Napparsimavissuani tarnikkut nappaatilinnut immikkoortortaqaarfianni nakorsaneq isumasioqatigereerlugu, aalaja-

ngerneqassaaq. Pisariaqarpat nakorsarneqarneq timikkut nappaatinut immikkoortorta qarfianni ingerlanneqarsinnaavoq.

Imm. 3. Aalajangersagaq manna naapertorlugu pinngitsaaliissummik nakorsaasoqarnissaa pillugu Naalakkersuisut sukumiinerusunik maleruaqqusaliussapput.

Kapitali 5

Napparsimavimmit angerlartitsinerup kingornatigut malinnaaffiginninneq

§ 16. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup napparsimavimmit angerlartinneqarnerup kingornatigut napparsimasup aamma tarnimikkut napparsimasunut immikkoortorta qarfiup aammattaaq oqartussaasut attuumassutillit, peqqinnissamik suliallit il.il., napparsimasup nakorsarneqarnissaminut aamma isumaginninnikkut neqeroorutinit tunngasut pillugit akornanni isumaqatigiissusiortoqarnissaa akisussaaffigaa, tassa napparsimasut napparsimavimmit angerlartinneqarnermik kingornatigut napparsimasup peqqissusianut pisariaqartunik nakorsarneqarnissaminik imaluunniit isumaginninnikkut neqeroorutinit namminneq ujartuisinnaanngitsutut ilimagineqarsinnaasunut tunngatillugu.

Imm. 2. Napparsimavimmit angerlartitsinerup isumaqatigiissutinit Nunatsinni Nakorsaaneqarfimmut nalunaarsuisarneq aamma nalunaaruteqartarneq pillugit maleruaqqusanik Naalakkersuisut aalajangersaassapput. Tassunga atatillugu nalunaaruteqartarnerni napparsimasup kinaassusianik paasissutissat ilanngunneqartarnissaat pillugit Naalakkersuisut maleruaqqusanik aalajangersaasinnaapput.

§ 17. Napparsimasoq § 16-imi ilaatinneqartoq napparsimavimmit angerlartinneqarnermi isumaqatigiissummik isumaqatigiissuteqarusunngippat, taava nakorsaanerup tarnimikkut napparsimasunut immikkoortorta qarfiup oqartussaasut attuumassutillit, peqqinnissamik suliallit il.il. suleqatigalugit napparsimasup nakorsarneqarnissanut aamma isumaginninnikkut neqeroorutit pillugit ataqatigiissakkamik pilersaarusiunneqarnissaa akisussaaffigaa.

Imm. 2. Pilersaarutinit ataqatigiissakkanik Nunatsinni Nakorsaaneqarfimmut nalunaarsuisarneq aamma nalunaaruteqartarneq pillugit maleruaqqusanik Naalakkersuisut aalajangersaassapput. Tassunga atatillugu nalunaaruteqartarnerni napparsimasup kinaassusianik paasissutissat ilanngunneqartarnissaat pillugit Naalakkersuisut maleruaqqusanik aalajangersaasinnaapput.

§ 18. Tarnimikkut napparsimasunut immikkoortorta qarfiup napparsimasup inuunermini atugarisanut tunngasut paasissutissat oqartussaasunut allanut, peqqinnissamik sullissisunut il.il. ingerlateqqissinnaavai, ingerlatsitseqqinneq tamanna napparsimavimmit angerlartinneqarnermi isumaqatigiissummik isumaqatigiissuteqarnissamut imaluunniit ataqatigiissakkamik pilersaarutit nakkutigineqarneranut aamma eqqortinneqarneranut pisariaqartutut isigineqarpat.

Imm. 2. Taamatuttaaq annertutigisumik soorlu imm. 1-imitut oqartussaasut, peqqissutsikkut sullissisut assigisaallu napparsimasup inuunermini atugai pillugit paasissutissat tarnimikkut napparsimasunut immikkoortorta qarfiup oqartussaasunullu allanut kiisalu peqqissutsikkut sullissisunut il.il. ingerlateqqissinnaavaat.

§ 19. Dronning Ingridip Napparsimavissuata tarnikkut nappaatilinnut immikkoortorta qarfianni nakorsaaneq aalajangersinnaavoq napparsimasup angerlartinneqannginnerani angerlartitsinerup kingornatigut pinngitsaaliisummik malinnaaffiginnittoqassasoq unitsitsineq tunngavigalugu napparsimasup angerlartinneqarnermi kingornatigut nakorsarneqarneq napparsimasup peqqissutsiminut pisariaqartoq malerua-runnaassagaa tunngavissaqartumik ernumagineqarpat aamma aarlerigineqarpat, kiisalu

1) napparsimasoq unitsinneqarnini sioqqullugu ukiut pingasut kingulliit napparsimavimmut pinngitsaaliisummik unitsinneqarsimappat imaluunniit pinngitsaaliisummik uninngatinneqarsimappat,

2) napparsimasoq napparsimavimmut unitsinneqarnini taannarpiaq sioqqullugu ukiut pingasut kingulliit ikinnerpaamik ataasarluni nakorsarneqarnermik, napparsimavimmit angerlartitsineri isumaqatigiissummi imaluunniit ataqatigiissakkamik pilersaarummi allassimasumik, maleruaasimanngippat, aamma

3) napparsimasoq unitsinneqarnerminut atatillugu napparsimavimmut pinngitsaaliisummik unitsinneqarsimappat pinngitsaaliisummilluunniit tigummigallarneqarsimappat.

Imm. 2. Nakorsaanerup angerlartitsinerup kingornatigut pinngitsaaliisummik malinnaaffiginninnissamik aalajangiussaa napparsimasup peqqinnissaqarfiup immikkoortortaasa ilaannut ataatsimut nakorsaatitortartarnissaanik taamaallaat imaqarsinnaavoq.

Imm. 3. Napparsimasoq nakorsaatitortarluni agginngippat, tak. imm. 2 nakorsaaneq aalajangersinnaavoq napparsimasoq politiit aaneqassasoq peqqinnissaqarfullu immikkoortortaasa ilaanni ataatsimi pinngitsaaliisummik nakorsaatitortinneqassasoq. Aallernermi sapinngisamik peqqinnissamik sulialik najuutissaaq.

Imm. 4. Angerlartitsinerup kingornatigut pinngitsaaliisummik malinnaaffiginninnermut atatillugu nakorsaatit, taakkua napparsimasumut qanoq sunniuteqartarneri nakorsaanermit ilisimaneqassallutit, tassunga ilanngullugit nakorsaatit sivisuumik sunniuteqartartut atorineqassapput.

Imm. 5. Angerlartitsinerup kingornatigut pinngitsaaliisummik malinnaaffiginninnissaq napparsimasumik angerlartitsinerup kingornatigut qaammatit pingasut tungaannut atuussinnaavoq, taamaattorli tak. imm. 6.

Imm. 6. Piffissarititaasut qaammatit pingasut qaangiunnerini, tak. imm. 5, napparsimasup nakorsarneqarnerminik peqqissutsiminut pisariaqartumik maleruaajunnaarnissaa tunngavissaqartumik naatsorsuutigineqarsinnaappat aarleqqutigineqarlunilu nakorsaaneq aalajangersinnaavoq angerlartitsinerup kingornatigut pinngitsaaliisummik malinnaaffiginninneq qaammatinik pingasukkaartunik sivitsorneqassasoq, taamaattorli napparsimasoq angerlartinneqarnermi kingornatigut sivisunerpaamik qaammatit aqqaneq marluk tungaannut pinngitsaaliisummik malinnaaffigineqarsinnaavoq.

§ 20. Angerlartitsinerup kingornatigut pinngitsaaliisummik malinnaaffiginninnermut, tassunga ilanngullugu Danmarkimi Justitsiministeriaqarfiup akuersineratigut napparsimasumik, nammineq kajumissutsiminik nakorsaatitortartunngitsumik aallernermi politiit peqataanissaannut kiisalu peqqinnissamik sullissisup tamatumunnga ilaaneranut maleruaqqusanik Naalakkersuisunit aalajangersaassapput.

Kapitali 6

Sukaterussineq il.il.

Pinngitsaaliisummik sukaterrussineq

§ 21. Pinngitsaaliisummik sukaterussinermi qiterut, paffinnut aamma singernernut ungerutit kiisalu aaq-qatit taamaallaat atorreqarsinnaapput.

Imm. 2. Pinngitsaaliisummik sukaterussineq taamaallaat atorreqarsinnaavoq napparsimasup ima ilior-nissaa pitsaaliorneqartariaqarpata:

- 1) imminut ajoqusersinnaanera imaluunniit allanik timaasigut imaluunniit peqqissusiisigut ajoqusiisinnaanera ilimanarluinnarpat,
- 2) napparsimasoqatiminik malersuinissaa imaluunniit assigisaanik peqqarniitsumik ajortumik pinissaa, i-maluunniit
- 3) annikigisassaanngitsumik aserorterinissaa.

§ 22. Nakorsap napparsimasumik misissuinermi kingornatigut pinngitsaaliisummik sukaterussinermik aalajangiisoqassanersoq aalajangissavaa, taamaattorli tak. imm. 2.

Imm. 2. Taamaattorli qiterutip saniatigut paffinnut aamma singernernut ungerutit kiisalu aaq-qatit ator-ne-qassanersut Dronning Ingridip Napparsimmavissuata tarnikkut nappaatilinnut Immikkoortorta qarfianni nakorsaanerup aalajangissavaa.

Imm. 3. Peqqinnissaqarfiup immikkoortortaasa ilaanni pinngitsaaliisummik sukaterussinerni nalunaaqut-tap akunnerinik aqqaneq marlunnik sivilissuseqartussatut imaluunniit sivilisunerusinnaasutut naatsor-suutigineqarsinnaasunut tunngatillugu sukaterussinerup atuutiinnarneqarnissaa Dronning Ingridip Nap-parsimmavissuata tarnikkut nappaatilinnut Immikkoortorta qarfianni nakorsaanermit aalajangerneqas-saaq.

Imm. 4. Pisuni soorlu § 21, imm. 2, nr. 1-imi taaneqartuni napparsimasup nammineq imaluunniit allat isu-mannaatsuunissaat eqqarsaatigalugit nakorsap misissuinissaata utaqqinissaa illersorneqarsinnaanngippat, peqqissutsimik sullissisut namminneq aalajangersinnaavaat pineqartup qiterummik sukaterunneqarnis-saa. Taamaattoqartillugu nakorsaq ingerlaannartumik aggersarneqassaaq kiisalu qiterut atorlugu sukate-russineq pillugu aalajangersaalluni.

§ 23. Napparsimasoq pinngitsaaliisummik qiterummik aalajangerlugu sukaterunneqartoq aalajangersi-masumik paarsisoqassaaq, taanna taamatut suliaqarnissaminut piginnaaneqassaaq.

Nukiit atorlugit pissaanermik atuineq

§ 24. Inuk peqqinnissaqarfiup immikkoortorta qarfiisa arlaanni uninngasoq uninngatinneqarsinnaavoq kiisalu pisariaqarpat pissaaneq atorlugu immikkoortorta qarfimmut uninngatitsivimmut allamut ingerlanneqarluni, § 21, imm. 2-mi piumasaqaatit eqquutsinneqarpata. Inunnut kapitali 3-mi maleruaqqusat naapertorlugit nammineersinnaajunnaarsinneqarsimasunut pissaaneq pisariaqartoq atorreqarsinnaavoq, taakkua immik-koortorta qarfimi sulii uninnganissaat qulakkeerniarlugu.

§ 25. Napparsimasup annertuumik eqqissiviitsutut pissuseqartup pitsanngoriaateqarnissaanut pingaar-uteqartumik sunniuteqassappat, taava nakorsaq aalajangiisinnavaoq pisariaqartillugu napparsimasup pis-saanermik atuilluni eqqissisaammik nakorsaatitortinneqarnissaanik.

Sernissuiniarluni sukaterussineq

§ 26. Sernissuiniarluni sukaterussineq tassaavoq napparsimasup taama piniangikkaluarluni imminut annertuumik navianartorsiortinnissaa pinngitsoortinniarlugu atorneqarsinnaasunik sunilluunniit atuineq.

Imm. 2. Nakorsaq napparsimasumik misissuereerpat aamma sernissuiniarluni sukaterussinissamut atugassaq pillugu sukumiinerusumik aalajangersaareerpat taamaallaat sernissuiniarluni nikitsaaliuilluni aalajangiisoqarsinnaavoq.

*Inummik immikkut nakkutiginninneq aamma
immikkoortorta qarfimmi matunik parnaarsuineq*

§ 27. Inatsisartut inatsisaanni matumani inummik aalajangersimasumik nakkutiginninneq tassaavoq suli-sup ataatsip sulisulluunniit arlallit napparsimasup eqqaanniinnerat.

Imm. 2. Aalajangersimasumik nakkutiginninneq, napparsimasup akuerinngisaa, taamaallaat atorneqarsinnaavoq napparsimasup ima iliornissaa pitsaaliorniarlugu:

- 1) imminut toqunissaa imaluunniit nammeneq peqqissutsiminik allalluunniit peqqissussaannik annertuumik ajoqusiinissaa, imaluunniit
- 2) uninngaqtigisaminik allanilluunniit malersuinissaa allatulluunniit peqqarniitsumik ajoqusiinnaanera.

Imm. 3. Nakorsap napparsimasoq misissoreerlugu aalajangersimasumik nakkutiginnittoqassanersoq aalajangissavaa.

§ 28. Napparsimasoq immikkoortorta qarfimmut unitsinneqarnerminut atatillugu immikkoortorta qarfiup peqqusersorneqarnera pillugu ilisimatinneqassaaq, tamatumunnga ilanngullugit immikkoortorta qarfimmi immikkoortut mikinerusut matui parnaarneqarsinnaassut, tassa immikkoortorta qarfimmi immikkoortunik mikinerusunik peqarpat.

§ 29. Nakorsaq immikkoortorta qarfimmi matut parnaarneqarnissaat pillugu aalajangersinnaavoq, taamaattoorli napparsimasut inaannut matut pinnagit, makkununga tunngasut:

- 1) napparsimasut kapitali 3 naapertorlugu nammineersinnaajunnaarsinneqarsimasut, kiisalu
- 2) napparsimasunut siunertarinngisaminnik imminnut annertuumik ajoqusernissaminnut navianartorsiortittunut, tak. § 24.

Imm. 2. Taamatuttaaq nakorsaq matut parnaarneqarnissaat pillugu aalajangersinnaavoq, taamaattoorli napparsimasut inaannut napparsimasumut imm. 1-imut ilaatinneqanngitsumut, napparsimasumit namminermit tamanna noqqaassutigineqarpat taakku pinnagit. Napparsimasoq noqqaassuteqarpat parnaarsimattitsineq ingerlaannartumik atorunnaarsinneqassaaq.

Imm. 3. Napparsimasut immikkoortorta qarfimiittut tamarmik ingerlaannartumik ilisimatinneqassapput imm. 1 aamma 2 naapertorlugit parnaarsuiniarluni aalajangertoqarnerata kinguinnguutigut.

Pinngitsaaliissut atorlugu eqqiluisaartitsineq

§ 30. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup aalajangersinnaavaa, napparsimasoq tarnimigut napparsimanini pissutigalugu pisariaqartumik imminut eqqiluisaarnissaminut isumaginnissinnaanngitsumik, pinngitsaaliissummik atuilluni eqqiluisaarne-

qarnissaanut, tamanna napparsimasoq nammineq eqqarsaatigalugu imaluunniit napparsimasoqatai imaluunniit sulisut eqqarsaatigalugu pisariaqarpat.

Pisinnaatitsisoqarnissaanut aalajangersagaq

§ 31. Pinngitsaaliisummik sukaterussineq, nukiit atorlugit pissaanermik atuineq, sernissuiniarluni pinngitsaaliisummik sukaterussineq, immikkut nakkutiginninneq, immikkoortortaarfimmi matunik parnaarsuineq kiisalu pinngitsaaliisummik inunnik eqqiluisaartitsineq pillugit Naalakkersuisut sukumiinerusumik maleruaqqusaliussapput.

Kapitali 7

Allagarsianik/nassiussarsianik, pigisanik timilu satsillugu misissuisarneq aammattaaq pigisanik arsaarinnissuteqartarneq aamma suujunnaarsitsineq

§ 32. Tunngavissalimmik pasitsaassisoqarpat nakorsaatinik, aanngajaarniutininik imaluunniit atortunik navianartunik napparsimasumut eqqunneqarsimasut imaluunniit eqqunniarneqartut, taava Dronning Ingri-dip Napparsimavissuani tarnikkut nappaatilinnut immikkoortortaarfianin nakorsaaneq aalajangersinnaavoq:

- 1) napparsimasumut allakkat/nassiussat ammarneqarlutik misissorneqassasut,
- 2) napparsimasup inaa pigisaalu misissorneqassasut imaluunniit
- 3) napparsimasoq timaatigut satsillugu misissorneqassasoq. Timip ammarngisa misissorneqarnissaat inerteqqutaavoq.

Imm. 2. Napparsimasup allagarsiaanik/nassiussarsiaanik aamma napparsimasup inaanik kiisalu pigisaanik misissuinermin sapinngisamik napparsimasup najuunnerani tamakku ingerlanneqartassapput.

Imm. 3. Nakorsaaneq aalajangersinnaavoq nakorsaatit, aanngajaarniutit aamma atortut navianartut imm. 1 naapertorlugi misissuinermin nassaarineqartut paarineqarnissaannik. Atortut il.il. napparsimasumit pigineqartut inatsisinik nalinginnaasunik unioqqutitsisumik, tamatumunnga ilanngullugit aanngajaarniutit pillugit inatsimmik aamma sakkut pillugit inatsimmik, nakorsaanermik politiinut tunniunneqassapput.

Imm. 4. Naalakkersuisut allagarsianik/nassiussarsianik, napparsimasut inaannik aamma pigisaannik misissuinermut, timimik satsaanermut aammattaaq arsaarinnissuteqarnermut kiisalu atortunik suujunnaarsitsinermut tunngatillugu sukumiinerusumik maleruaqqusanik aalajangersaassapput.

Kapitali 8

Pinngitsaaliissutininik atorineqartuninik allattuisarneq aamma pinngitsuugassaannigsumik nalilersueqqinneq

§ 33. Pinngitsaaliisummik atuinerit tamavimmik, tak. §§ 7-12, § 14, naapertorlugit pinngitsaaliisummik malinnaaffiginninnerit § 19, aamma §§ 21-25, nakorsaatissanik innersuussineq sunaluunniit § 26 tunngavigalugu, § 27, tassani pineqarpoq inummik immikkut nakkutiginninneq, atasuinnarmik nal. akunneri 24 sinerlugit sivisussuseqartoq aamma § 29, taakkua immikkoortortaarfup pinngitsaaliisummik atuinermut allattaavissuanut ilanngunneqassapput iliuuseqarnerup suunera aamma tunngavilersuut sukumiisumik al-

lallugit. Immikkoortorta qarfiup pinngitsaaliissummik atuinnermut allattaavissuanut ilanngunneqartoq taamatuttaaq napparsimasoo pillugu allattaavimmut assilillugu ilanngunneqassaaq.

Imm. 2. Naalakkersuisut pinngitsaaliissummik atuinnermik allattuinnissat pillugit aammattaaq Nunatsinni Nakorsaaneqarfimmut pinngitsaaliissutit atorineqartut pillugit nalunaarsuinnermut kiisalu nalunaaruteqartarinnermut tunngatillugu sukumiinnerusumik maleruaqqusalissapput. Tamatumunnga atatillugu Naalakkersuisut maleruaqqusanik aalajangersaasinnaapput nalunaaruteqartarinnerni napparsimasup kinaassusia ilanngullugu paasissutissiissutigineqassanersoq.

§ 34. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup pisussaaffiguarpaanakkutigissallugu, nammineersinnaajunnaarsitsinerup aamma pinngitsaaliissummik allamik atuineq Inatsisartut Inatsisaanni matumani maleruaqqusat naapertorlugit atorineqartut pisariaqanngitsumik annertunerusumik atorineqannginnissat.

Imm. 2. Nammineersinnaajunnaarsitsinerup naliliivigeqqinnissaanut atatillugu nammineersinnaajunnaarsitsinerup aallartinneqarnerata kingornatigut ullut pingasut, qulit, 20-t aamma 30-t qaangiunnerini tamatumalu kingornatigut minnerpaamik sapaatit akunnerisa sisamat qaangiunnerini, nammineersinnaajunnaarsitsinerup sulituutsinneqarnerani, piunasaqaatinut naapertuuttumik pissutsit sulituunnersut nakorsaanerup nakkutigisassaraa. Nalileeqqinnerup taassuma innera pinngitsaaliissuteqarinnermik nalunaarsuiffimmut ilanngunneqassaaq.

Imm. 3. Nammineersinnaajunnaarsitsinerup atuutsiinnerneqarneranik aalajangiineq pillugu napparsimasumut siunnersorti aamma napparsimasoo nalunaarfigineqartussaapput.

Imm. 4. Sernissuiniarluni sukaterussinerup sulituinnerneqarnissaanut apeqqu, pissutsit taamaattussaatitsinerat tunngavigalugu, nakorsamit sapinngisamik akuttunngitsumik nalilersoqqinneqartassaaq, taamaattorli sernissuiniarluni sukaterussinerup aalajangerneqarnerata kingornatigut minnerpaamik ullut pingasut, qulit, 20-t aamma 30-t qaangiunneranni, kiisalu tamatuma kingornatigut minnerpaamik sapaatit akunneri sisamakkaarlugit, taamatut peqqusinerup atuutsinneqarnera tamakkerlugu.

Imm. 5. Pinngitsaaliissummik sukaterussinerup atuutsinneqarnera tamakkerlugu, sulipinngitsaaliissummik sukaterussinerup atuinnerneqarnissaanut apeqqu, pissutsit taamaattussaatitsinerat tunngavigalugu, nakorsamit sapinngisamik akuttunngitsumik nalilersorneqaaqqittassaaq, taamaattorli minnerpaamik ullup unnuallu ingerlanerani ataasiarluni.

Kapitali 9

Napparsimasunik siunnersuisartut

§ 35. Napparsimasumut siunnersortimik toqqaasoqassaaq inummut kimulluunniit, imatut pineqartumut:

- 1) napparsimavimmut pinngitsaaliissummik unitinneqartumut,
- 2) napparsimavimmi pinngitsaaliissummik uninngatinneqartumut.

Imm. 2. Taamatuttaaq napparsimasumut siunnersortimik toqqaasoqassaaq inummut kimulluunniit imatut pineqartumut:

- 1) pinngitsaaliissummik nakorsarneqartumut,
- 2) napparsimavimmit angerlartinneqarnerup kingornatigut pinngitsaaliissummik malinnaaffigineqartumut,
- 3) pinngitsaaliissummik sukaterunneqartumut,
- 4) timi atorlugu pissaanermik atuiffigineqartumut,

- 5) pissaaneq atorlugu nakorsaammik eqqissaatitortinneqartumut,
- 6) sernissuiniarluni sukaterussineqartumut,
- 7) nalunaaquttap akunnerinit 24-nit sivilisunerusumik inummik immikkut nakkutigineqartumut, kiisalu
- 8) immikkoortorta qarfi immi matunik paarnaarsinnermi, § 29, imm. 1, nr. 2 naapertorlugu.

Imm. 3. Napparsimasumut siunnersuisup suliaasarai:

- 1) napparsimasumik ilitsersuissaaq aamma siunnersuissalluni napparsimmavimmut unitsinneqarnermut, uninnganermut aamma nakorsarneqarnermut peqqinnissaqarfiup napparsimaviini pissutsinut tamanut tunngatillugu,
- 2) naammagittaalliornissaanut aallartitsinnermi aamma naammassinninnermi napparsimasumik ikiuissaaq, aamma
- 3) sapinngisamik Tarnimikkut Nappaatillit Maalaarutaannik Aalajangiisartut naammagittaalliutigineqar-toq pillugu oqaluuserinninneranni najuutissalluni.

§ 36. Kalaallit Nunaanni Eqqartuussivimmi eqqartuussisoq qinnuteqartoqarnerup kingorna napparsimasunut siunnersortit akuerissavai. Akuerisanut nalunaarsuut Dronning Ingridip Napparsimmavissuani tarnikkut nappaatilinnut immikkoortorta qarfiannut nassinneqassaaq. Napparsimasunut siunnersortinngortitat Nuummi najugaqassapput aamma Dronning Ingridip Napparsimmavissuani tarnikkut nappaatilinnut immikkoortorta qarfianni atorfeqqartuussanatik.

Imm. 2. Siunnersortinngortitsineq pisumi ataasiakkaami pisassaaq, tassa pinngitsaaliissummik akuliunneq aamma siunnersortinngortitsineq pillugit peqqissaasup pigaartuusup napparsimasumut siunnersorti tuavinnerpaamik nalunaarfissavaa. Napparsimasumut siunnersorti, nalunaarsuummi allatorneqarfissaminni tulleriiaarineq malillugu, atorfinitsinneqartassaaq.

Imm. 3. Siunnersortinngortitsiniarneq pillugu oqaaseqarnissaminut napparsimasoq periarfissinneqassaaq. Nalunaarsuummi allasimasumik, napparsimasumut siunnersortimik allamik, napparsimasoq siunnersorteqarusunneq pillugu noqqaassuteqarpat sapinngisamik noqqaassut akuerineqassaaq. Aalajangiineq Kalaallit Nunaanni Eqqartuussivimmi eqqartuussisumut maalaarutigineqarsinnaavoq.

Imm. 4. Napparsimasoq, nalunaarsuutini ilaanngitsumik, siunnersorteqarumalluni noqqaassummik saqqummiussa qarpat imm. 2 naapertorlugu inummik tullinnguuttumik siunnersortilerneqarallassaaq. Napparsimasup inuk siunnersuutaa siunnersortinngortinneqarsinnaanersoq Kalaallit Nunaanni Eqqartuussivimmi eqqartuussisup aalajangissavaa. Napparsimasup noqqaassutaa inassutigiuminanngitsuunngippat akuerineqassaaq.

§ 37. Siunnersortinngortitsinerup kingornatigut piaarnerpaamik napparsimasumut siunnersortip napparsimasoq pulaassavaa ataavartumillu attavigissallugu. Napparsimasoq Dronning Ingridip Napparsimmavissuaniippat pulaarneq siulleq nalunaaquttap akunneri 24-t qaangiutsinnagit pissaaq. Napparsimasoq peqqinnissaqarfiup immikkoortortaasa ilaanni allamiippat siunnersortinngortitsinerup kingornatigut nalunaaquttap akunneri 24-t qaangiutsinnagit oqarasuaatikkut attavigeqatigiinneq pissaaq. Tamatuma kingornatigut sapaatit akunneranut ikinnerpaamik ataasiarluni aamma pisariaqartitsineq naapertorlugu pulaarneq pisassaaq.

Imm. 2. Napparsimasumut siunnersorti killilersugaanngitsumik akornusersugaanngitsumillu inuttut toqqaannartumik, allakkatigut oqarasuaatikkullu napparsimasumik attaveqarnissaminut pisinnaatitaaffeqarpoq.

§ 38. Immikkoortorta qarfirmi imaluunniit peqqinnissa qarfirmi sulisut paasissutissat suulluunniit napparsimasumut siunnersortip suliami isumannaatsumik suliarinissaanut pisariaqartitai taassumunnga tunniutissavaat.

Imm. 2. Nakorsap nakorsatut suliatigut pissutissaqarluni napparsimasumut paasissutissiissutiginnisaa, napparsimasumut siunnersortimut aamma paasissutissiissutigineqassanngilaq.

§ 39. Napparsimasumut siunnersortitut toqqagaasimaneq atorunnaassaaq pinngitsaaliisummik iliuseqarnerup taamaatinneqarneranut ilutigitiillugu. Taamaattorli napparsimasumut siunnersortip napparsimasooq naammagittaalliutinut aallartinneqareersimasunut, imaluunniit tamatumunnga ilutigitiillugu aallartinneqartunut, atatillugu ikiussavaa.

§ 40. Naalakkersuisut sukumiinerusumik maleruaqqusanik, napparsimasunik siunnersuisartut atorfinitsinneqarnerannut aamma atuuttussanngortinneqarnerannut, taakkua suliassaannut aamma pisinnaatitaanerannut aammattaaq ajunngitsorsiasaannut tunngasunut, aalajangersaassapput.

Kapitali 10

Naammagittaalliuteqarnissamut ilitersuineq

§ 41. Pinngitsaaliisummik atuinerni tamani akuliunnerup maalaarutigisinnaanera pillugu napparsimasooq ilitersorneqassaaq. Tamatuma saniatigut napparsimasumut ilisimatitsissutigineqassaaq naammagittaalliuteqarneq qanoq annertutigisumik kinguartitsinissamut sunniuteqarsinnaanerani, tak. imm. 2 aamma 3.

Imm. 2. Pinngitsaaliisummik atuinissaq pillugu aalajangiinermut naammagittaalliuteqarneq aalajangiinermik kinguartitsissutaasinnaangilaq, taamaattorli tak. imm. 3.

Imm. 3. Taamaattorli pinngitsaaliisummik nakorsarneqarnissamik aalajangiineq, tak. kapitali 4, pillugu naammagittaalliorneq kinguartitsissutaasinnaavoq, imaanngippat ingerlaannartumik nakorsarneqarnissap aallartinneqarnissaa pisariaqarluni napparsimasup inuunera imaluunniit peqqissusia annertuumik navianartorsiortinniarnagu imaluunniit pinngitsoortinniarlugu, napparsimasup allanik timaasigut imaluunniit peqqissusiannik ajoqusiisinaanera qanippat. Pinngitsaaliisummik malinnaaviginninnissaq § 19 naapertorlugu aalajangiineq taamatuttaaq kinguartitsissutaasinnaavoq.

§ 42. Sapinngisamik naammagittaalliuteqarnissamut ilitersuineq napparsimasup pinngitsaaliisummik iliuseqarfigineqarnissaanut atatillugu saqqummiunneqassaaq.

Imm. 2. Pinngitsaaliisummik nakorsarneqarnissaq pillugu naammagittaalliut, Inatsisartut Inatsisaanni § 41, imm. 3, naapertorlugu kinguartitsissutaasinnaappat, sapinngisamik piaarnerpaamik aamma pinngitsaaliisummik nakorsarneqarnerup aallartinnessaa sioqqullugu naammagittaalliorsinnaanermik ilitersuisoqassaaq.

§ 43. Pinngitsaaliisummik napparsimavimmut unitsitsinermi, pinngitsaaliisummik uninngatinneqarnermi, pinngitsaaliisummik oqqussinermi, pinngitsaaliisummik nakorsaanermi, napparsimavimmit angerlaarnermi pinngitsaaliisummik malittarinninnermi, pinngitsaaliisummik sukaterussinermi, nukiit atorlugit pissaanermik atuinermi, sernissuilluni sukaterussinermi, inummik immikkut nakkutiginninnermi nalu-

naaquddap akunnerinik 24-nik ataannartumik sivisunerusumik sivisuuseqartumik, kiisalu immikkoortorta-qarfimmi parnaarsuinermi, napparsimasoq Tarnimikkut Nappaatillit Maalaarutaannik Aalajangiisartunut, pinngitsaaliissummik iliuuseqarfigineqarneq pillugu naammagittaalliuteqarsinnaanera pillugu ilitsersorne-qassaaq. Taamatuttaaq napparsimasoq ilitsersorneqassaaq naammagittaalliutit Tarnimikkut Nappaatillit Maalaarutaannik Aalajangiisartunut saqqummiunneqarnissaanik, tamanna napparsimasup imaluunniit napparsimasumik siunnersuisartup tamatuminnga kissaateqarneq saqqummiuppagu, tak. § 47.

Imm. 2. Taamatuttaaq napparsimasoq piumasaqarnera naapertorlugu Tarnimikkut Nappaatillit Maalaaru-taannik Aalajangiisartunut naammagittaalliornissamut periuttip pillugit ilitsersorneqassaaq, tamatumun-ga ilanngullugit napparsimasoq aamma napparsimasumik siunnersortip oqaatitsigut imaluunniit nalunaa-rasuartaatit atorlugit suliassamik aalajangiisartunut saqqummiussinissamik pisinnaatitaaffiat pillugu, aam-mattaaq aalajangiisartut aalajangiinissaanut kingusinnerpaamik piffissaliussaq pillugu, tak. § 48.

§ 44. Naammagittaalliornissamut oqaatsit atorlugit ilitsersuisoqassaaq.

Imm. 2. Naammagittaalliornissamut ilitsersuut allaganngorlugu tunniunneqassaaq, taamatut napparsima-soq kissaateqarluni piumasaqaammik saqqummiussippat.

§ 45. Naalakkersuisut naammagittaalliornissamut ilitsersuineq pillugu aalajangersakkanik sukumiinerusu-nik aalajangersaasinnaapput.

Kapitali 11

Naammagittaalliornissamut periarfissaq aamma eqqartuussivikkut ingerlatitsisinnaaneq

§ 46. Naalakkersuisut naammagittaalliuteqarnermut aalajangiisartunik pilersitsissapput taaguuteqartu-mik Tarnimikkut Nappaatillit Maalaarutaannik Aalajangiisartut.

Imm. 2. Tarnimikkut Nappaatillit Maalaarutaannik Aalajangiisartunut ilaasortaapput:

- 1) eqqartuussissuserisoq siulittaasutut,
- 2) Nunatsinni Nakorsaaneq, aamma
- 3) napparsimasut peqatigiiffianit sinniisuutitaq, tarnimikkut napparsimasunut sinniisuutitaasussaq.

Imm. 3. Naalakkersuisut ilaasortanut sinniisussanik toqqaassapput.

Imm. 4. Toqqaanerit imm, 2 aamma 3-mi ukiuni sisamani atuupput. Toqqaqqittoqarsinnaavoq.

Imm. 5. Tarnimikkut Nappaatillit Maalaarutaannik Aalajangiisartut suliassanik ataasiakkaanik aamma aa-lajangiinernut suliaqarnerminni suliassanut ataasiakkaanut tunngatillugu ilitsersorneqarnissanut attuu-massuteqartinneqanngillat.

Imm. 6. Nunatsinni Nakorsaaneqarfik Tarnimikkut Nappaatillit Maalaarutaannik Aalajangiisartut allatse-qarnikkut suliassaannik isumaginnittuuvog.

Imm. 7. Peqqissutsumut Ilisimatusarnermullu Naalakkersuisoqarfiup Tarnimikkut Nappaatillit Maalaaru-taannik Aalajangiisartut aningaasartuutaat, tassunga ilanngullugit aalajangiisartunik ilaasortat ajunngit-sorsiaat akilertassavai.

§ 47. Napparsimmavinni oqartussaasut napparsimasup imaluunniit napparsimasumik siunnersuisup qin-nuteqarnera tunngavigalugu naammagittaalliutit Tarnimikkut Nappaatillit Maalaarutaannik Aalajangiisar-tunut naammagittaalliutit ingerlateqqissavaat, makkununga tunngasut:

- 1) napparsimavimmut pinngitsaaliisummik unitsinneqarnermut,
- 2) napparsimavimmi pinngitsaaliisummik uninngatinneqarnermut,
- 3) oqqunneqarnermut,
- 4) pinngitsaaliisummik nakorsarneqarnermut,
- 5) napparsimavimmit angerlartinneqarnerup kingornatigut pinngitsaaliisummik malinnaaffigineqartunut, § 19 tunngavigalugu
- 6) pinngitsaaliisummik sukaterunneqarnermut,
- 7) timi atorlugu pissaanermik atuiffigineqarnermut,
- 8) pissaaneq atorlugu nakorsaammik eqqissaatitortinneqarnermut,
- 9) sernissuiniarluni sukaterunneqarnermut,
- 10) immikkut nakkutigineqartumut nalunaaquttap akunnerinit 24-nit sivilsunerusumik, kiisalu
- 11) immikkoortortaqaarfimmi matunik parnaarsuinermut.

Imm. 2. Naammagittaalliut napparsimasumit imaluunniit napparsimasumut siunnersortaasumit nammineersinnaajunnaarsinneqarnerup imaluunniit pinngitsaaliisummik iliuuseqarfigineqarnerup allap, naammagittaalliornermut tunngasup, kingusinnerpaamik qaammatit arfinillit qaangiutinnginneranni saqqummiunneqareersimassaaq.

§ 48. Naammagittaalliut § 47-imi taaneqartoq Tarnimikkut Nappaatillit Maalaarutaannik Aalajangiisartunut saqqummiunneqarpat suliamut tunngasut Peqqissutsimut Pitsaaliuinernullu Aqutsisoqarfirmut nassiuunneqassapput, tamatumunnga ilanngullugit pinngitsaaliisummik iliuuseqarnermik allattaavissuarni allanneqarsimanerat allaganngorlugit, aammattaaq Dronning Ingridip Napparsimavissuani tarnikkut nappaatillit immikkoortortaqaarfianni nakorsaanerup uppersaanaera. Tamatuma saniatigut Aalajangiisartut nammineq isumagissavaat suliap suliarineqarnissaa aamma uppersaatinik il.il. amerlanerusunik tamanna pisiaqarpat pissarsiniarnissartik.

Imm. 2. Napparsimasooq aamma napparsimasumut siunnersorti oqaatsit atorlugit imaluunniit nalunaarsuartaatit aqutugalugit suliamik aalajangiisartunut saqqummiussinissamut pisinnaatitaapput. Immikkut it-tunik pisoqartillugu aalajangiisartut aalajangersinnaapput napparsimasup peqqissusianik eqqarsaatigininneq imaluunniit suliap aalajangiisartuni suliarineqarnera pissutugalugu napparsimasooq tamakkiisumik ilaannakuusumilluunniit suliap suliarineqarneranut peqataatinneqassanngitsoq.

Imm. 3. Tarnimikkut Nappaatillit Maalaarutaannik Aalajangiisartut pinngitsaaliisummik iliuutsit, sulianik naammagittaalliutaasunik kinguartitsissutaasinnaasutut sunniuteqartut pillugit aalajangiisassapput, tak. § 41, imm. 3, naammagittaalliutip tiguneqarnerata kingornatigut ulluinnaat arfineq marluk iluanni. Sulianut allanut tunngatillugu Tarnimikkut Nappaatillit Maalaarutaannik Aalajangiisartut sapinngisamik piaartumik aalajangiisassapput. Aalajangiineq naammagittaalliutip tiguneqarnerata kingornatigut ullut 14 iluanni aalajangiisoqanngippat, aalajangiisartut tamatumunnga pissutaasooq pillugu napparsimasooq aamma napparsimasup siunnersortigisaa ilisimatissavaat, aammattaaq ilisimatitsissutigissavaat aalajangiinerup qaqugu pinissaa naatsorsuutigineqarsinnaanersoq.

Imm. 4. Naalakkersuisut Tarnimikkut Nappaatillit Maalaarutaannik Aalajangiisartut suleriaasissaannik aalajangersaassapput.

§ 49. Napparsimasup imaluunniit napparsimasumut siunnersortaasup piumasaqarneratigut Tarnimikkut Nappaatillit Maalaarutaannik Aalajangiisartut aalajangikkatik Kalaallit Nunaanni Eqqartuussivimmut i-

ngerlatissavaat Kalaallit Nunaanni pinerluttulerinermi inatsimmi kapitali 28 naapertorlugu.

Imm. 2. Suliassap saqqummiunnissaa pillugu qinnuteqaat Tarnimikkut Nappaatillit Maalaarutaannik Aalajangiisartut aalajangiineranniit sapaatit akunneri sisamat qaangiutsinnagit saqqummiunneqassaaq. Piffissarititami saneqqutsinissamik immikkut ittumik pissutissaqarpat Tarnimikkut Nappaatillit Maalaarutaannik Aalajangiisartut aalajangiineranniit qaammatit arfinillit tikillugit kingusinnerusukkut qinnuteqaatip saqqummiunneqarnissaa Kalaallit Nunaanni Eqqartuussivimmi akuerineqarsinnaavoq.

Imm. 3. Napparsimasup nammineersinnaajunnaarsitaanissaa Tarnimikkut Nappaatillit Maalaarutaannik Aalajangiisartut akuerippassuk napparsimavimmit angerlartitsineqarnissamut apeqqut pillugu Tarnimikkut Nappaatillit Maalaarutaannik Aalajangiisartut suliassiissutigeqqinnissaa aalajangiisartut aalajangiinerinit qaammatit marluk ingerlareernerisigut aatsaat saqqummiuteqqinneqarsinnaavoq. Nammineersinnaajunnaarsitsinerup inatsisinut naapertuunna pillugu apeqqut eqqartuussivimmut tunniunneqarsimappat, tak. imm. 1, piffissarititaq taaneqartoq eqqartuussiviup aalajangiineranit naatsorsorneqassaaq.

Imm. 4. Tarnimikkut Nappaatillit Maalaarutaannik Aalajangiisartut napparsimavimmit angerlartitsinerup kingornatigut pinngitsaaliisummik malittarinninnermik pilersitsisoqarnissaa akuerippassuk, tak. § 19, napparsimavimmit angerlartitsinerup kingornatigut pinngitsaaliisummik malittarinninnissamut apeqqut aatsaat napparsimavimmit angerlartitsinerup kingornatigut pinngitsaaliisummik malittarinninnissaaq § 19, imm. 6 naapertorlugu sivitsorneqarpat aalajangiisartunut suliassiissutigeqqinnissaa noqqaassutigineqarsinnaavoq. Tamatuma kingornatigut napparsimavimmit angerlartitsinerup kingornatigut pinngitsaaliisummik malittarinninnissap sivitsorneqarnissanut suliassiissutigeneqartut ataasiakkaat saqqummiuteqqinneqarsinnaapput.

Kapitali 12

Atuutsitsilernermut, atorunnaarsitsinermut aamma

ikaarsaariarnermut aalajangersakkat

§ 50. Inatsisartut Inatsisaat manna atuutilerpoq ulloq 1. juli 2019 aamma aalajangiinernut kiisalu aalajangersaanernut inatsisartut inatsisaata atuutilernerata kingornatigut aalajangerneqartunut tamanut atuulluni.

Imm. 2. Tamatuma saniatigut Tarnimikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarneq pillugu Inatsisartut inatsissaat nr. 24, 3. december 2012-imeersoq atorunnaarsinneqarpoq.

Imm. 3. Allaffissornikkut malittarisassiat, tarnimikkut nappaatilinnik nammineersinnaajunnaarsitsinermut allatigullu pinngitsaaliisummik iliuuseqartarneq pillugu inatsisartut inatsisaanni toqqammaveqartut kingusinnerusukkut allannguutaat ilanngullugit, atuutsinneqarunnaarnissamik tungaannut atuutissapput.

Namminersorlutik Oqartussat, ulloq 12. juni 2019

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut